

ხელშეკრულება საქონლის სახელმწიფო შესყიდვის შესახებ №60-7-222-240

ქ. თბილისი

20.04.2022წ.

1. მხარეები

წინამდებარე ხელშეკრულება დადებულია 2022 წლის 20 აპრილს, ერთი მხრივ სს „საქართველოს სახელმწიფო ელექტროსისტემა“-სა, წარმოდგენილი მისი დირექტორის შესყიდვებისა და ლოგისტიკის საკითხებში, დირექტორთა საბჭოს წევრის დავით ვარდიაშვილის (მინდობილობა №210506896) სახით (შემდგომში – „შემსყიდველი“) და მეორეს მხრივ შპს „ჯი-თი-ეი“-ს შორის, წარმოდგენილი მისი დირექტორის, კონსტანტინე ცხვარაძის სახით (შემდგომში – „მიმწოდებელი“), რომლებიც მოქმედებენ საზოგადოების წესდებისა და მოქმედი კანონმდებლობის საფუძველზე.

2. ხელშეკრულების საგანი

- 2.1. „მიმწოდებელი“ ვალდებულია მიაწოდოს „შემსყიდველს“ 10 კვ ძაბვის დენის ტრანსფორმატორები (CPV-31100000; CPV-31170000) წინამდებარე ხელშეკრულების, მისი დანართი №1-ის (ფასების ცხრილი), დანართი №2-ის (ტექნიკური სპეციფიკაცია) და დანართი №3-ის (უსაფრთხოების წესები და პირობები) შესაბამისად;
- 2.2. დანართი №1, დანართი №2 და დანართი №3 წარმოადგენს წინამდებარე ხელშეკრულების განუყოფელ ნაწილს;
- 2.3. წინამდებარე ხელშეკრულება დაიდო სახელმწიფო შესყიდვის შესახებ საქართველოს კანონის მე-3 მუხლის პირველი პუნქტის „ჟ“ ქვეპუნქტის შესაბამისად.

3. საქონლის ღირებულება და ანგარიშსწორების პირობები

- 3.1 საქონლის საერთო ღირებულება განსაზღვრულია წინამდებარე ხელშეკრულების დანართი №1-ის (ფასების ცხრილი) შესაბამისად და შეადგენს 8 142,00 (რვა ათას ას ორმოცდაორი) ლარს დღგ-ს ჩათვლით (შემდგომში – „ხელშეკრულების ღირებულება“);
- 3.2 ანგარიშსწორება განხორციელდება სრულად მიწოდებულ საქონელზე ან/და საქონლის მიწოდების დასრულებისას ფაქტიურად მიწოდებულ საქონელზე, საბოლოო მიღება-ჩაბარების აქტის გაფორმებისა და ანაზღაურებისათვის სათანადო დოკუმენტაციის (საგადასახადო ანგარიშ-ფაქტურის) წარმოდგენის შემდეგ არაუგვიანეს 8 (რვა) სამუშაო დღის განმავლობაში;
- 3.3 მიღება-ჩაბარების აქტის გაფორმებიდან ანგარიშსწორებისათვის განსაზღვრული ვადის დადგომამდე საქონელზე აღმოჩენილი ხარვეზის ან/და ნაკლის არსებობის შემთხვევაში, „მიმწოდებელი“ ვალდებულია „შემსყიდველის“ წერილობითი შეტყობინების მიღებისთანავე გონივრულ ვადაში (რაც მოიცავს იმ პერიოდისათვის ხარვეზის გამოსწორების ან/და საქონლის ტრანსპორტირებისათვის აუცილებელ დროს), საკუთარი ხარჯებით გამოასწოროს აღმოჩენილი ნაკლოვანება ან წუნდებული საქონელი შეცვალოს ახლით. წინააღმდეგ შემთხვევაში აღნიშნული დაყოვნება ანგარიშსწორების პროცესს იმ ვადით, სანამ მიმწოდებლის მიერ სრულად და ჯეროვნად არ შესრულდება ამ მუხლით განსაზღვრული ვალდებულება;
- 3.4 იმ შემთხვევაში თუ მიმწოდებლის მიერ მოთხოვნილი იქნა საავანსო გადახდა, შემსყიდველი მიმწოდებელს უხდის საავანსო თანხას (ხელშეკრულების ღირებულების არაუმეტეს 30%-ისა) მიმწოდებლის მხრიდან შესაბამისი ოდენობის საავანსო-საბანკო გარანტიის წარმოდგენის შემთხვევაში, საავანსო-საბანკო გარანტიის წარმოდგენიდან 5 (ხუთი) სამუშაო დღის განმავლობაში. საავანსო-საბანკო გარანტიის შესაბამისი ანგარიშფაქტურა წარმოდგენილი უნდა იყოს ავანსის გადახდიდან 2 (ორი) სამუშაო დღეში;
- 3.5 მიმწოდებლის მიერ წარმოდგენილი საავანსო-საბანკო გარანტიის მოქმედების ვადა მინიმუმ 30 (ოცდაათი) კალენდარული დღით უნდა აღემატებოდეს ხელშეკრულების მოქმედების ვადას;
- 3.6 ავანსად გაცემული თანხა ჩაითვლება საბოლოო ანგარიშსწორებისას;
- 3.7 უპირობო და გამოუთხოვადი საავანსო-საბანკო გარანტია წარმოდგენილი უნდა იყოს ქართულ ენაზე. უცხო ენაზე წარმოდგენის შემთხვევაში, თან უნდა დაერთოს საქართველოს კანონმდებლობით დადგენილი წესით შესრულებული თარგმანი ქართულ ენაზე (დამოწმებული ნოტარიულად ან აპოსტილით);
- 3.8 მიმწოდებლის მიერ უპირობო და გამოუთხოვადი საავანსო-საბანკო გარანტია წარმოდგენილი უნდა იყოს, საქართველოს ეროვნული ბანკის მიერ ლიცენზირებული საბანკო დაწესებულებიდან გაცემული შემდეგი ფორმის დაცვით: დაბეჭდილი გარანტიის გამცემი დაწესებულების ტიტულიან ფურცელზე (ბლანკი), ხელმოწერილი და/ან ბეჭედადამსული;
- 3.9 ანგარიშსწორება განხორციელდება ლარში, უნაღდო ანგარიშსწორების ფორმით.

4. საქონლის მიწოდების ვადა და ადგილი

- 4.1 “მიმწოდებელი” ვალდებულია გადასცეს “შემსყიდველს” ნივთობრივი და უფლებრივი ნაკლისაგან თვისუფალი, ექსპლუატაციაში არ მყოფი (არ უნდა იყოს აღდგენილი და მეორადი) საქონელი, DDP საქართველო (Incoterms 2020) პირობით, ხელშეკრულების გაფორმებიდან არაუგვიანეს 90 (ოთხმოცდაათი) კალენდარული დღის განმავლობაში;
- 4.2 „მიმწოდებელი“ ვალდებულია საქონლის მიწოდება უზრუნველყოს ტრანსპორტირებისა და შემსყიდველის მიერ მითითებულ ადგილას ჩამოცლის ხარჯების გათვალისწინებით, შემდეგ მისამართზე: აღმოსავლეთ საქართველოს ქსელის ქ/ს „რუსთავი-220“, ქ. რუსთავი, ჩათმის მთა;
- 4.3 საქონლის მიწოდება უნდა განხორციელდეს სამუშაო საათებში (ორშაბათიდან პარასკევის ჩათვლით, 09:00 - 18:00 სთ., ოფიციალური უქმე დღეების გარდა). თუ საქონლის მიწოდება დაემთხვა არასამუშაო დღეს, მიმწოდებელმა საქონლის მიწოდება უნდა უზრუნველყოს მომდევნო სამუშაო დღეს;
- 4.4 საქონლის მიწოდების ვადაში, ობიექტებზე დაშვების უფლების მისაღებად მიმწოდებელი ვალდებულია შემსყიდველს მიმართოს წერილობით. შემსყიდველი მიმწოდებლის ობიექტზე დაშვებას უზრუნველყოფს წერილობითი მოთხოვნის მიღებიდან არაუმეტეს 5 (ხუთი) სამუშაო დღის ვადაში შესაბამისი პროცედურების დაცვით;
- 4.5 მიმწოდებლის მივლინებულმა პერსონალმა საქონლის მიწოდება უნდა უზრუნველყოს განწესით ან/და განკარგულებით, წინამდებარე ხელშეკრულების დანართი N3-ში განსაზღვრული უსაფრთხოების წესებისა და პირობების მკაცრი დაცვით.

5. მხარეთა უფლება-მოვალეობები

- 5.1 მიმწოდებელი ვალდებულია ხელშეკრულების მე-4 მუხლის 4.1 პუნქტში ასახულ ვადაში, ხელშეკრულების გაფორმებიდან არაუგვიანეს 10 (ათი) სამუშაო დღის განმავლობაში, წარმოადგინოს და სს "სსე"-სთან შეათანხმოს - შემოთავაზებული მოწყობილობების დაყენებითი ნახაზები;
- მეორადი პრინციპიალური/სამონტაჟო სქემები;
- 5.2 შემსყიდველი უფლებამოსილია არაუმეტეს 5 (ხუთი) სამუშაო დღის განმავლობაში განიხილოს წარმოდგენილი დოკუმენტაცია და შენიშვნების არსებობის შემთხვევაში, დაუბრუნოს მიმწოდებელს ხარვეზების აღმოსაფხვრელად;
- 5.3 მიმწოდებელი ვალდებულია შემსყიდველის შენიშვნების მიღებიდან არაუგვიანეს 5 (ხუთი) სამუშაო დღის ვადაში გამოასწოროს მითითებული ხარვეზები;
- 5.4 გარდა ფორს-მაჟორისა, ობიექტურ გარემოებებზე დაყრდნობით, ამ მუხლის 5.1-5.3 პუნქტებში ასახული ვადები შესაძლებელია გადაისინჯოს მხარეთა ურთიერთშეთანხმებით;
- 5.5 მიმწოდებელი ვალდებულია საქონლის მოწოდებასთან ერთად წარმოადგინოს:
- ტესტირების ოქმ(ებ)ი;
- ტექნიკური დოკუმენტაცია კომპლექტში, ქართულ ან/და ინგლისურ ენაზე;
- პასპორტი ან კატალოგი;
- საქარხნო ტესტირების და გამოცდის პროტოკოლები;
- 5.6 საქონლის მოწოდება უნდა განხორციელდეს წინამდებარე ხელშეკრულების დანართი №1-ის (ფასების ცხრილი), დანართი №2-ის (ტექნიკური სპეციფიკაცია) და დანართი №3-ის (უსაფრთხოების წესები და პირობები) შესაბამისად;
- 5.7 “შემსყიდველი” ვალდებულია:
- 5.7.1 ხელშეკრულებით გათვალისწინებული პირობების თანახმად გადაიხადოს მიწოდებული საქონლის ღირებულება;
- 5.7.2 შეამოწმოს საქონლის მდგომარეობა ვარგისიანობაზე;
- 5.7.3 წერილობით შეატყობინოს “მიმწოდებელს” მიღების ან ექსპლუატაციის დროს საქონელზე შემჩნეული ნაკლის აღმოჩენისთანავე.

6. გარანტია

- 6.1 “მიმწოდებელი” იძლევა გარანტიას, რომ მიწოდებული საქონელი მისი ექსპლუატაციის ნორმების დაცვის შემთხვევაში, არ გამოავლენს დეფექტებს;
- 6.2 შესაბამისი ექსპლუატაციის პირობებში, მიმწოდებლის მიერ მოწოდებულ საქონელზე საგარანტიო ვადა არის მიღება-ჩაბარების აქტის გაფორმებიდან 3 (სამი) წელი;

6.3 საგარანტიო პირობებით განსაზღვრული მოთხოვნები, ძალაშია მთელი საგარანტიო ვადის განმავლობაში, მიუხედავად ხელშეკრულების მოქმედების ვადის ამოწურვისა;

6.4 საგარანტიო ვადის განმავლობაში გამოვლენილი რაიმე ხარვეზის ან შეუსაბამობის შემთხვევაში, მიმწოდებელი ვალდებულია საკუთარი ხარჯებით უზრუნველყოს საქონელზე გამოვლენილი ნაკლის/ხარვეზის აღმოფხვრა შემსყიდველის მიერ განსაზღვრულ გონივრულ ვადაში, მაგრამ წერილობითი შეტყობინების მიღებიდან არაუმეტეს 30 (ოცდაათი) კალენდარული დღის განმავლობაში, ან წუნდებული საქონლის შეცვლა, შემსყიდველის მიერ განსაზღვრულ გონივრულ ვადაში, მაგრამ წერილობითი შეტყობინების მიღებიდან არაუგვიანეს 90 (ოთხმოცდაათი) კალენდარული დღის განმავლობაში, შემსყიდველის მხრიდან დამატებითი დანახარჯების გაწევის გარეშე;

6.5 წუნის/ხარვეზის/დეფექტის/გაუმართაობის შემთხვევაში საქონლის ტრანსპორტირება უნდა უზრუნველყოს მიმწოდებელმა.

7. ხელშეკრულების შესრულების კონტროლი

7.1 „შემსყიდველს“ ან მის წარმომადგენელს უფლება აქვს ხელშეკრულების შესრულების ნებისმიერ ეტაპზე განახორციელოს კონტროლი „მიმწოდებლის“ მიერ ნაკისრი ვალდებულებების შესრულებაზე;

7.2 „მიმწოდებელი“ ვალდებულია საკუთარი ხარჯებით უზრუნველყოს კონტროლის შედეგად გამოვლენილი ყველა დეფექტის ან ნაკლის აღმოფხვრა;

7.3 „შემსყიდველის“ მხრიდან ხელშეკრულების შესრულებაზე კონტროლს ახორციელებს სს „საქართველოს სახელმწიფო ელექტროსისტემის“ ქვესადგურების პროექტების სამსახურის უფროსი **ოთარ ყირიმელი**;

7.4 კონტროლი განხორციელდება მიწოდებული საქონლის ხარისხისა და მიწოდების ვადების შესაბამისობით ხელშეკრულების პირობებთან.

8. შესყიდვის ობიექტის მიღება-ჩაბარების წესი

8.1 მიღება-ჩაბარების აქტი ფორმდება საბოლოოდ, სრულად ან/და მიწოდების დასრულებისას ფაქტიურად მოწოდებული საქონლის მიხედვით;

8.2 შემსყიდველის მხრიდან მიღება-ჩაბარების აქტის ხელმოწერაზე უფლებამოსილი პირი არის დირექტორთა საბჭოს შესაბამისი წევრი ან / და შესაბამისი დეპარტამენტის უფროსი;

8.3 საქონლის მოწოდებისას „შემსყიდველის“ მიერ წინამდებარე ხელშეკრულების მე-7 მუხლის 7.3 პუნქტით განსაზღვრული პირი ამოწმებს მოწოდებული საქონლის შესაბამისობას წინამდებარე ხელშეკრულების პირობებთან. ხარვეზების (წუნდების) არ არსებობის შემთხვევაში „შემსყიდველსა“ და „მიმწოდებელს“ შორის ფორმდება მიღება-ჩაბარების აქტი ფაქტიურად მიღებული საქონლის მიხედვით;

8.4 საქონელი მიღებულად ჩაითვლება მხარეთა შორის მიღება-ჩაბარების აქტის გაფორმებისთანავე. მიღება-ჩაბარების გაფორმების შემდგომ პასუხისმგებლობა საქონელზე გადადის შემსყიდველზე.

9. მხარეთა პასუხისმგებლობა

9.1 „მიმწოდებლის“ მიზეზით საქონლის დაგვიანებით, არასრულად, ხარვეზით ან საერთოდ არ მიწოდების შემთხვევაში, „მიმწოდებელი“ მოვალეა გადაიხადოს პირგასამტეხლო მოუწოდებელი საქონლის ღირებულების 0,1%-ის ოდენობით, ყოველ ვადაგადაცილებულ დღეზე, ხარისხიანი საქონლის სრულად მიწოდების დღემდე ან ხელშეკრულების შეწყვეტის დღემდე, რომელი ვადაც უფრო ადრე დადგება;

9.2 ამ მუხლის 9.1 პუნქტით გათვალისწინებული პირგასამტეხლო „მიმწოდებელს“ გადასახდელად დაერიცხება აგრეთვე იმ შემთხვევაში, თუ მიმწოდებელი არ გამოასწორებს საგარანტიო ან/და ტექნიკური მხარდაჭერის პერიოდის განმავლობაში გამოვლენილ ხარვეზს ან არ შეცვლის საქონელს ამ ხელშეკრულებით საგარანტიო პერიოდში გამოვლენილი ხარვეზის გამოსწორებისთვის/საქონლის შეცვლისთვის დადგენილ ვადებში - შესატყვისი ვადის გასვლიდან ხარვეზის გამოსწორების/საქონლის შეცვლის დღემდე ან ხელშეკრულების შეწყვეტის დღემდე, რომელი ვადაც უფრო ადრე დადგება;

9.3 „შემსყიდველის“ მიერ ხელშეკრულებით გათვალისწინებული საქონლის ღირებულების ვადაგადაცილებით (არადროულად) გადახდის შემთხვევაში, „მიმწოდებელი“ უფლებამოსილია მოსთხოვოს „შემსყიდველს“ პირგასამტეხლოს გადახდა გადაუხდელი თანხის 0.1% ოდენობით ყოველ ვადა გადაცილებულ დღეზე, წინამდებარე ხელშეკრულების შეწყვეტამდე, ან თანხის სრულად გადახდამდე, რომელი ვადაც უფრო ადრე დადგება;

9.4 „მიმწოდებელი“ ვალდებულია ხელშეკრულების შეუსრულებლობისთვის გადაიხადოს პირგასამტეხლო მაქსიმუმ ხელშეკრულების ღირებულების 4%-ის ოდენობით;

9.5 ხელშეკრულებით გათვალისწინებული ვალდებულებების ცალმხრივად შეუსრულებლობისათვის მხარეებს ეკისრებათ ვალდებულება აანაზღაურონ მიყენებული ზარალი სრული მოცულობით საქართველოს კანონმდებლობით დადგენილი წესით. ზარალის ანაზღაურება ან მისი მოთხოვნა არ აჩერებს ამ მუხლით გათვალისწინებულ პირგასამტეხლოს დარიცხვას;

9.6 „შემსყიდველი“ უფლებამოსილია ფაქტიურად მიწოდებული საქონლის ღირებულების ანაზღაურებისას გამოქვითოს (შეამციროს ანაზღაურება) ამ მუხლით გათვალისწინებული და „მიმწოდებელზე“ დარიცხული პირგასამტეხლოს თანხა „მიმწოდებლისათვის“ გადასახდელი თანხის ოდენობიდან. აღნიშნული გამოქვითვა არ შეიძლება გახდეს „მიმწოდებლის“ მხრიდან „შემსყიდველისათვის“ 9.3 პუნქტით გათვალისწინებული პირგასამტეხლოს დარიცხვის საფუძველი.

10. ფორს-მაჟორი

10.1 ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას;

10.2 ამ მუხლის მიზნებისათვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული მათ შეცდომებსა და დაუდევრობასთან და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით ან სტიქიური მოვლენებით, ეპიდემიით, კარანტინით, ემბარგოს დაწესებით და სხვა. ფორს-მაჟორის არსებობის საკმარის დამადასტურებელ ცნობად მხარეები განიხილავენ შესაბამისი ქვეყნის სავაჭრო-სამრეწველო პალატის მიერ გაცემულ სათანადო ცნობას.

10.3 ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამოწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

11. ურთიერთობა მხარეებს შორის

11.1 ნებისმიერი ოფიციალური ურთიერთობა ხელშეკრულების დამდებ მხარეებს შორის უნდა ატარებდეს წერილობით ფორმას. წერილობითი შეტყობინება, რომელსაც ერთი მხარე ხელშეკრულების შესაბამისად უგზავნის მეორე მხარეს, ხორციელდება საფოსტო გზავნილის ან ელექტრონული კომუნიკაციის გზით ხელმძღვანელობაზე ან /და წარმომადგენლობაზე უფლებამოსილი პირის ან ამ კონტრაქტის ფარგლებში უფლებამოსილი საკონტაქტო პირების (ელექტრონული კომუნიკაციის შემთხვევაში) მიერ. ოპერატიული კავშირის დამყარების მიზნით დასაშვებია შეტყობინების მეორე მხარისათვის მიწოდება ელ. ფოსტით (წერილის სკანირებული ვარიანტი) ან ფაქსის გაგზავნის გზით, შემდგომში ორიგინალის მიწოდების პირობით;

11.2 შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიანდგება;

11.3 ამ მუხლის პირველი პუნქტის მიზნებისთვის ელექტრონული კომუნიკაციის წარმოების პროცესში პასუხისმგებელი პირის დანიშვნა, საკონტაქტო საკითხების მითითებით ხორციელდება მხარის მიერ წერილობითი შეტყობინების საფუძველზე.

12. ხელშეკრულების პირობების შეცვლა და/ან ვადამდე მოშლა

12.1 ამ ხელშეკრულებაში ნებისმიერი ცვლილება და/ან დამატება შეიძლება შეტანილი იქნეს მხარეთა წერილობითი შეთანხმების საფუძველზე;

12.2 შესყიდვის შესახებ ხელშეკრულების პირობების შეცვლა დაუშვებელია, თუ ამ ცვლილების შედეგად იზრდება ხელშეკრულების საერთო ღირებულება ან უარესდება ხელშეკრულების პირობები შემსყიდველი ორგანიზაციისათვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევისა, ამასთან, ასეთ შემთხვევაშიც დაუშვებელია ხელშეკრულების ჯამური ღირებულების 10%-ზე მეტი ოდენობით გაზრდა;

12.3 ხელშეკრულება შეიძლება ვადამდე მოიშალოს:

12.3.1 მხარეთა შეთანხმებით;

12.3.2 ერთ-ერთი მხარის განცხადებით მეორე მხარის მიერ ხელშეკრულებით გათვალისწინებული პირობების არსებითად დარღვევის შემთხვევაში, რომელიც არ უნდა აღემატებოდეს აღნიშნული დარღვევის აღმოჩენიდან 60 (სამოცი) კალენდარულ დღეს;

12.4 „შემსყიდველს“ შეუძლია ხელშეკრულება ვადამდე შეწყვიტოს:

12.4.1 თუ „შემსყიდველისათვის“ ცნობილი გახდა, რომ მისგან დამოუკიდებელი მიზეზების გამო იგი ვერ უზრუნველყოფს ხელშეკრულებით ნაკისრი ვალდებულებების შესრულებას;

12.4.2 „მიმწოდებლის“ გაკოტრების შემთხვევაში;

12.4.3 თუ მისთვის ცნობილი გახდება, რომ „მიმწოდებლის“ მიერ მოწოდებული ინფორმაცია ყალბი აღმოჩნდება, რაც წარმოადგენს „შემსყიდველის“ მხრიდან ნდობის დაკარგვის საფუძველს.

12.4.4 საქართველოს კანონმდებლობით გათვალისწინებულ სხვა შემთხვევებში.

12.5 ამუხლის 12.4 პუნქტში მითითებულ შემთხვევებში „შემსყიდველი“ ვალდებულია აუნაზღაუროს „მიმწოდებელს“ ფაქტიურად მიწოდებული საქონლის ღირებულება.

13. ხელშეკრულების შესრულების შეფერხება

13.1 თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამოძწვევი მიზეზების შესახებ. შეტყობინების მიმღებმა მხარემ რაც შეიძლება მოკლე დროში უნდა აცნობოს მეორე მხარეს თავისი გადაწყვეტილება, მიღებული აღნიშნულ გარემოებებთან დაკავშირებით;

13.2 იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით.

14. დავის განხილვა

14.1 ხელშეკრულების დამდები მხარეები თანხმდებიან მასზედ, რომ ყველა ღონეს იხმარენ, რათა მოლაპარაკებების მეშვეობით, შეთანხმებით მოაგვარონ ნებისმიერი უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული საკითხების ირგვლივ;

14.2 თუ ასეთი მოლაპარაკების დაწყებიდან 30 (ოცდაათი) კალენდარული დღის განმავლობაში მხარეები ვერ შესძლებენ სადაო საკითხების შეთანხმებას, ნებისმიერ მხრეს დავის გადაწყვეტის მიზნით შეუძლია დადგენილი წესით მიმართოს საქართველოს სასამართლოს. დავის განხილვა მოხდება საქართველოს კანონმდებლობის შესაბამისად.

15. ხელშეკრულების მოქმედების ვადები

15.1 ხელშეკრულება ძალაში შედის მხარეთა მიერ ხელმოწერისთანავე;

15.2 ხელშეკრულების მოქმედების ვადა ამოწურულად ჩაითვლება აღნიშნული პირობების შესრულებისთანავე, მაგრამ არაუგვიანეს **2022 წლის 31 აგვისტოს ჩათვლით**, ხოლო საგარანტიო ვალდებულებების ნაწილში საგარანტიო ვადის ბოლომდე.

16. ხელშეკრულების სხვა პირობები

16.1 ხელშეკრულება შედგენილია ქართულ ენაზე;

16.2 ამ ხელშეკრულებით გაუთვალისწინებელ შემთხვევებში, მხარეები მოქმედებენ საქართველოში მოქმედი კანონმდებლობის თანახმად;

16.3 წინამდებარე ხელშეკრულებით გათვალისწინებული პირობები შესასრულებლად სავალდებულოა მხარეთათვის და მათი შესაბამისი სამართალმემკვიდრეებისა და უფლებამონაცვლეთათვის. დაუშვებელია წინამდებარე ხელშეკრულებით გათვალისწინებული ვალდებულებების გადაცემა სხვა მხარისათვის მეორე მხარის წინასწარი წერილობითი თანხმობის გარეშე;

17. კონფიდენციალურობა და გაუმჟღავნებლობა

მხარეები აცნობიერებენ, რომ სს „საქართველოს სახელმწიფო ელექტროსისტემაში“ დანერგილია ინფორმაციული უსაფრთხოების მართვის სისტემა ISO/IEC 27001 მიხედვით და შესაბამისად, შემდგომ ურთიერთობებში ითვალისწინებენ „სს „საქართველოს სახელმწიფო ელექტროსისტემის“ კონფიდენციალურობისა და გაუმჟღავნებლობის პირობებს“, რომელიც გამოქვეყნებულია ვებ-გვერდზე www.gse.com.ge (ჩვენს შესახებ/შესყიდვები/კონტრაქტის პირობები).

18. მხარეთა რეკვიზიტები

“შემსყიდველი”:	“მიმწოდებელი”:
სს „საქართველოს სახელმწიფო ელექტროსისტემა“	შპს „ჯი-თი-ეი“;
მის: ქ. თბილისი, ბარათაშვილის ქ.№2	ქ. თბილისი, ნუცუბიძის 1 მრ. კორპუსი 2. ბინა 21
საიდ. კოდი: 204995176	საიდ. კოდი: 405298459;
ს/ს „თიბისი ბანკი“	ტელ: +995 591 004 114
ბანკის კოდი: TBCBGE 22	სს „თიბისი ბანკი“,
ანგარიშის №GE02TB0600000102467636	ბანკის კოდი: TBCBGE22;
	ანგარიშის № GE44TB7150836080100007

დირექტორთა საბჭოს წევრი	დირექტორი
დავით ვარდიაშვილი	კონსტანტინე ცხვარაძე

დანართი № 1

ფასების ცხრილი:

N	შესყიდვის ობიექტი			რაოდენობა (ცალი)	ერთეულის ღირებულება დღგ-ს ჩათვლით (ლარი)	ჯამური ღირებულება დღგ-ს ჩათვლით (ლარი)
	დასახელება	მოდელი ან/და სასაქონლო ნიშანი	წარმოშობის ქვეყანა და მწარმოებელი კომპანია			
1	10 კვ ძაბვის დენის ტრანსფორმატორი	ATB 10-BS	თურქეთი / Esitas Elektrik San. Ve tic. A.S.	3	2 714,00	8 142,00
მთლიანი ღირებულება დღგ-ს ჩათვლით (ლარი)						8 142,00

„შემსყიდველი“:

სს „საქართველოს სახელმწიფო ელექტროსისტემა“

დირექტორთა საბჭოს წევრი
დავით ვარდიაშვილი

„მიმწოდებელი“:

შპს „ჯი-თი-ეი“

დირექტორი
კონსტანტინე ცხვარაძე

ტექნიკური სპეციფიკაცია:

N	შესყიდვის ობიექტის დასახელება	განზ. ერთეული	ტექნიკური სპეციფიკაცია
1	დენის ტრანსფორმატორი, 3 ცალი		
1,1	სტანდარტი		IEC 61869
1.1.1.	ტესტირების ოქმის წარმოდგენა		მოწყობილობის მოწოდებისას
1,2	ტექნიკური მახასიათებლები		
1.2.1	დაყენების ტიპი		შიდა დაყენების
1.2.2	სიმაღლე ზღვის დონიდან	მ	≤ 1000
1.2.3	ნომინალური ძაბვა	კვ	10
1.2.4	მაქსიმალური დასაშვები ძაბვა	კვ	12
1.2.5	ნომინალური სიხშირე	ჰც	50
1.2.6	ნომინალური პირველადი დენი	ა	600/300
1.2.7	ნომინალური მეორადი დენი	ა	5
1.2.8	თერმიული მდგრადობის დენი	კა	20
1.2.9	დინამიური მდგრადობის დენი	კა	50
1.2.10	სამრეწველო სიხშირის გამოსაცდელი ძაბვა	კვ	28
1.2.11	ელქექის იმპულსის გამოსაცდელი ძაბვა	კვ	75
1.2.12	მეორადი გრავნილების რაოდენობა		3
1.2.13	მეორადი გრავნილების სიზუსტის კლასები და სიმძლავრეები		
1.2.14	გრავნილი-1, კოეფიციენტი 600/5, სიზუსტის კლასი და სიმძლავრე 0,5S – 5ვა		გრავნილი #1 600/5 -სიზუსტის კლასი და სიმძლავრე 0.5SFs10 - 5VA@all ratio გრავნილი იპლომბება
1.2.15	გრავნილი-1, კოეფიციენტი 300/5, სიზუსტის კლასი და სიმძლავრე 0,5S – 5ვა		გრავნილი #1 300/5 -სიზუსტის კლასი და სიმძლავრე 0.5SFs10 - 5VA@all ratio გრავნილი იპლომბება
1.2.16	გრავნილი-2, კოეფიციენტი 600/5, სიზუსტის კლასი და სიმძლავრე 0,5S – 5ვა		გრავნილი #2 600/5 -სიზუსტის კლასი და სიმძლავრე 0.5SFs10 - 5VA@all ratio გრავნილი იპლომბება
1.2.17	გრავნილი-2, კოეფიციენტი 300/5, სიზუსტის კლასი და სიმძლავრე 0,5S – 5ვა		გრავნილი #2 300/5 -სიზუსტის კლასი და სიმძლავრე 0.5SFs10 - 5VA@all ratio გრავნილი იპლომბება
1.2.18	გრავნილი-3, კოეფიციენტი 600/5, სიზუსტის კლასი და სიმძლავრე 10P - 10 ვა		გრავნილი #3 - 600/5 - სიზუსტის კლასი და სიმძლავრე - 10P10 - 10VA@all ratio
1.2.19	გრავნილი-3, კოეფიციენტი 300/5, სიზუსტის კლასი და სიმძლავრე 10P - 10 ვა		გრავნილი #3 - 300/5 - სიზუსტის კლასი და სიმძლავრე - 10P10 - 10VA@all ratio
1.2.20	დენის ტრანსფორმატორების კოეფიციენტის ცვლილება შესაძლებელი უნდა იყოს მეორადი გრავნილიდან		ცვლილება შესაძლებელია მეორადი გრავნილიდან

1.2.21	10 კვ ძაბვის დახურული გამანაწილებელი მოწყობილობა სადაც აღნიშნული დენის ტრანსფორმატორი უნდა მოეწყოს, არის SIEMENS NX-AIR-10 ტიპის		თავსებადია, დენის ტრანსფორმატორის გაბარიტული ზომები შეესაბამება უჯრედში არსებული 4MA72 PLATFORM ტიპის დენის ტრანსფორმატორის ზომებს
2	მოთხოვნები იმედიაწილის მიმართ		
2,1	გარანტია მიღება-ჩაბარების აქტის გაფორმებიდან	წელი	3
2,2	ექსპლუატაციის ვადა	წელი	25

„შემსყიდველი“:

სს „საქართველოს სახელმწიფო ელექტროსისტემა“

დირექტორთა საბჭოს წევრი
დავით ვარდიაშვილი

„მიმწოდებელი“:

შპს „ჯი-თი-ეი“

დირექტორი
კონსტანტინე ცხვარაძე

უსაფრთხოების წესები და პირობები:

10 კვ ძაბვის დენის ტრანსფორმატორების შესყიდვასთან და მიწოდებასთან დაკავშირებით (მიწოდების ადგილი - ქვესადგური „რუსთავი-220“)

1. 10 კვ ძაბვის დენის ტრანსფორმატორების შესყიდვასა და მიწოდებასთან დაკავშირებით, მომწოდებელი საწარმო ვალდებულია, საქონლის მოწოდება განახორციელოს საქართველოს მოქმედი კანონმდებლობის და ასევე, შემდეგი ნორმატიული აქტების მოთხოვნების განუხრელი დაცვით: 1. საქართველოს მთავრობის 17.12.2013 წლის N340 დადგენილებით დამტკიცებული „უსაფრთხოების ტექნიკის წესები ელექტროდანადგარების ექსპლუატაციისას“; 2. საქართველოს მთავრობის 2015 წლის 23 ივლისის N370 დადგენილებით დამტკიცებული ტექნიკური რეგლამენტი – „სახანძრო უსაფრთხოების წესების და პირობების შესახებ“; 3. საქართველოს ორგანული კანონი, შრომის უსაფრთხოების შესახებ;

2. მომწოდებელი საწარმო ვალდებულია, აცნობოს ს.ს. „საქართველოს სახელმწიფო ელექტროსისტემას“ (სსე), პერსონალის ობიექტზე დაშვებამდე არანაკლებ 5 (ხუთი) სამუშაო დღით ადრე, მიაწოდოს წერილობითი მონაცემები საქონლის მოწოდებისათვის გამოსაყენებელი მანქანა-მექანიზმების/ტექნიკის და მათი მძღოლების, აგრეთვე, სამუშაოს (ჩამოტვირთვა/დასაწყობება) უსაფრთხოდ ჩატარებაზე დაკავებულ მივლინებულ პირთა სია: გვარების, ინიციალების, პირადობის მოწმობის პირადი ნომრების, თანამდებობების, მათთვის მინიჭებული უფლებების (სამუშაოთა ხელმძღვანელი, სამუშაოთა მწარმოებელი, ბრიგადის წევრი) მითითებით;

3. მომწოდებელი ვალდებულია წარუდგინოს ს.ს. „საქართველოს სახელმწიფო ელექტროსისტემას“ (სსე) **რისკების შეფასების დოკუმენტი** (რომელიც უნდა ეფუძნებოდეს შრომის საერთაშორისო ორგანიზაციის მიერ აღიარებულ მეთოდოლოგიას და მოიცავდეს მომსახურეობის სივრცეში დაკავშირებული საფრთხეების იდენტიფიცირებას, ანალიზს, შეფასებასა და პრევენციული ღონისძიებების განსაზღვრას);

4. მომწოდებელი ვალდებულია ახალი კორონავირუსით გამოწვეულ იფექციასთან (COVID-19) დაკავშირებით დაიცვას **ზოგადი რეკომენდაციები**, დამცავი საშუალებებით აღჭურვა (პირბადე და ხელის სადეზინფექციო);

5. მომწოდებელი ვალდებულია **გააჩნდეს შრომის უსაფრთხოების სერთიფიცირებული სპეციალისტი ქვეყანაში მოქმედი კანონმდებლობის მიხედვით**;

6. მივლინებულ პირებს, სსე-ს ობიექტების ტერიტორიაზე მკაცრად ეკრძალებათ ნებისმიერი ზომისა და სახეობის ცივი, ცეცხლსასროლი, გაზის, პნევმატური, სათამაშო/სასწავლო და სხვა სახის იარაღის, საბრძოლო მასალების (მათ შორის, სასწავლო/სათამაშო ნიმუშების), ნებისმიერი სახეობისა და რაოდენობის ასაფეთქებელი, მომწამვლელი ან/და ადამიანებისა და გარემოსათვის საშიში სხვა ნივთიერებების, აგრეთვე, ნარკოტიკული/ფსიქოტროპული საშუალებების და ალკოჰოლური სასმელების შეტანა;

7. აკრძალულია, სსე-ს ობიექტებზე გამოცხადება ნასვამ (ალკოჰოლური ზემოქმედების) მდგომარეობაში, ფსიქოტროპული ან/და ნარკოტიკული ნივთიერებების ზემოქმედების ქვეშ. ნებისმიერი ზემოთ აღნიშნული მოთხოვნიდან ერთ-ერთის დარღვევის გამოვლენის შემთხვევაში მივლინებული მუშაკი არ დაიშვება ობიექტზე, ხოლო პასუხისმგებელ პირებს დაეკისრებათ შესაბამისი სამართლებრივი პასუხისმგებლობა;

8. მივლინებული საწარმოს მუშაკი ობიექტზე არ დაიშვება იმ შემთხვევაშიც, თუკი მისი პიროვნება (სახელი, გვარი და პირადი ნომერი) არ აღმოჩნდება ობიექტზე გადაცემულ სიაში;

9. ობიექტზე დაშვებული ყველა მივლინებული პირი ფიზიკური/ფსიქიკური მონაცემებით უნდა შეესაბამებოდეს მათ მიერ შესასრულებელ სამუშაოს, უნდა იყოს ჯანმრთელი და გავლილი უნდა ჰქონდეთ ჯანმრთელობის სამედიცინო შემოწმება;

10. დაშვებამდე, მივლინებულმა პირებმა ერთჯერადად უნდა გაიარონ შესავალი და პირველადი ინსტრუქტაჟები ჟურნალში გაფორმებით. აღნიშნული ინსტრუქტაჟები წარმოადგენს ადგილობრივ თავისებურებათა და გამოყოფილ უბანზე საშიში გარემოებების/ფაქტორების შესახებ ინფორმირებას;

11. სამუშაოთა შემსრულებელი ვალდებულია მის მიერ გადმოცემულ პერსონალის **სიაში ცვლილების აუცილებლობის შესახებ ინფორმაცია**, წერილობით აცნობოს ს.ს. „საქართველოს სახელმწიფო ელექტროსისტემას“ (სსე) ამ პერსონალის ობიექტზე დაშვებამდე არანაკლებ 2 (ორი) სამუშაო დღით ადრე;

12. ობიექტზე დაშვებას განწესის მიხედვით ასრულებს სსე-ს წარმომადგენელი (დამშვები), მოქმედი წესების შესაბამისად;

13. ობიექტზე საქონლის დასაწყობების პროცესის განმავლობაში მეთვალყურეობას განახორციელებს სსე-ს შესაბამისი პასუხისმგებელი პირი რომლის ნებართვის გარეშეც სამუშაო ადგილის მიტოვება ან/და სამუშაო არეალის გაფართოვება აკრძალულია;

14. მასალები უნდა დასაწყობდეს რეგიონალური ქსელის და ობიექტის ხელმძღვანელობის მიერ წინასწარ გამოყოფილ ადგილზე;

15. მივლინებულ პირებს ეკრძალებათ ობიექტზე ნებისმიერი სახის (ღია, დახურულ ან/და კომპლექტურ) ელექტრო გამანაწილებელ მოწყობილობებში შესვლა, ასევე სხვა საწარმოო სათავსოებში თუ ტერიტორიაზე მოძრაობა (გარდა უშუალოდ მათთვის გამოყოფილი სამუშაო და სამოდრო ადგილისა), დათვალიერება ან რაიმე სამუშაოების ჩატარება;

16. მივლინებულმა პირებმა მომსახურების გაწევის ადგილზე უნდა უზრუნველყონ საქართველოში მოქმედი სახანძრო უსაფრთხოების წესების მოთხოვნათა განუხრელი დაცვა. მომსახურების გაწევის დროს აკრძალულია ფეთქებადი და ადვილად ალეხადი ნივთიერებების გამოყენება. მომსახურების გაწევისას მიღებული და დაცული უნდა იყოს აფეთქება და ხანძარსაწინააღმდეგო ზომები. მივლინებულ პირებს ობიექტის ტერიტორიაზე ეკრძალებათ თამბაქოს მოწევა, გარდა სპეციალურად სამისოდ გამოყოფილი ადგილებისა;

17. სამუშაოების წარმოებისას აკრძალულია ძირითადი და საევაკუაციო გზების სხვადასხვა მასალით, ნაკეთობებით, მოწყობილობებით, ნარჩენით და სხვა საგნებით ჩახერგვა. ნარჩენების გატანა უნდა განხორციელდეს ყოველდღიურად და არ მოხდეს მათი დაგროვება ობიექტზე;

18. მომსახურების სრულად დამთავრების შემდეგ მწარმოებელმა უნდა გაიყვანოს ბრიგადა მომსახურების გაწევის ადგილიდან, ტერიტორია მოაწესრიგოს;

19. დასაწყობების და ხელშეკრულებით გათვალისწინებული მომსახურების დამთავრების შესახებ მომწოდებელმა კომპანიამ სავალდებულოდ უნდა აცნობოს სს „საქართველოს სახელმწიფო ელექტროსისტემის“ შესაბამის წარმომადგენლებს;

20. წინამდებარე „სამუშაოთა უსაფრთხოდ წარმოების წესი და პირობები“ ძალაშია სს-ს და სამუშაოთა შემსრულებელ საწარმოს შორის დადებული შესაბამისი ხელშეკრულების მოქმედების ვადით.

„შემსყიდველი“:

სს „საქართველოს სახელმწიფო ელექტროსისტემა“

დირექტორთა საბჭოს წევრი
დავით ვარდიაშვილი

„მიმწოდებელი“:

შპს „ჯი-თი-ეი“

დირექტორი
კონსტანტინე ცხვარაძე